

**Tragedia, mit 17 personen: Der hörnen Sewfriedt,  
ein son könig Sigmunds im Niderlandt, und hat 7 actus.**

**Der ernholdt tridt ein, neigt sich unnd spricht:**

5 Heil unnd glück sey den ehrenfesten,  
 Edlen und außerwelten gesten,  
 Den erbern herrn und züchtig frawen  
 Und all den, so wöln hörn und schawen  
 Ein wunder-wirdige histori,  
 Wol zu behalten in memori,  
 10 Von einem könig im Niderlandt,  
 Der könig Sigmundt war genandt.  
 Der het ein son, der hieß Sewfriedt,  
 Welcher all höfflikeit vermiedt,  
 [K3, 2, 480] An sitten, tugendt und verstandt,  
 15 Groß, starck und ernstlich mit der handt;  
 Erschlug ein trachen mit der hendt  
 In wildem waldt und in verbrendt.  
 Des trachens horn zerschmaltz darnach,  
 Floß auß dem fewer wie ein bach;  
 20 Darmit schmiert Sewfriedt seine glider,  
 Und als das horn erkaltet wider,  
 Von dem sein hautd gar hörnen wardt.

\*

1 Handschriftlich im 11 spruchbuche bl. 339 bis 360. Gedruckt Büsching,  
 Hans Sachs ernstliche Trauerspiele u. s. w. 2 buch, Nürnberg 1819, s. 84 bis 138.  
 J. Tittmann, dichtungen von H. Sachs III. Lpzg. 1871, s. 209 bis 252. Außer  
 der einleitung bei letzterem s. XXVIII f. vgl. über die quellen Bruno Philipp,  
 Zum Rosengarten, Halle 1879, s. XXXIV. W. Grimm, deutsche heldensage<sup>2</sup>,  
 s. 314. S. hüernen. CK Seyfried; so immer. 2 ein son bis Niderlandt] fehlt S.  
 BCK Sigmunds. A Sigmundt. 6 K ehrnarn. 7 S all so wöllen 10  
 S küng. CK köng. 15 Groß] S Grob. 17 S In wildem. CK Im wilden.  
 A In wilden. 18 S zerschmolz. 22 gar] S ganz.

- König Gibich het ein tochter zart  
 Zu Wurmbs am Rein, die hieß Crimhilt,  
 Die füret hin ein trach gar wildt  
 Auff ein gebirg unmenschlich hoch.  
 5 Der hörnen Sewfriedt dem nach-zoch,  
 Da im ein zwerglein weisset das,  
 Wiewol ein rieß darwider was,  
 Den er bestriet zum vierten mal,  
 Entlich in rab stürzt in das thal.  
 10 Nach dem erst mit dem trachen kempffet,  
 Den er mit noht fellet und dempffet;  
 Die jungfraw er heim-füren thet,  
 Mit ir ein könglich hochzeyt het.  
 Nach dem wart von Crimhilt, der zarten,  
 15 Geladen in den rosengarten  
 Gehn Wurmbs an Rein Dietrich von Bern,  
 Der kam dahin willig und gern  
 Und kempfft mit dem hörnen Sewfried.  
 Erstlich er forcht und schrecken lied,  
 20 Doch durch list seins maisters Hilbrant  
 Mit kampff den Sewfriedt überwant,  
 Den doch Crimhilt vom todt erret,  
 Dietrich von Bern begütting thet;  
 Doch ir brüder auß neidt unpsunnen  
 25 Erstachendt schlaffendt bey dem brunnen  
 Iren schwager Sewfriedt darnach,  
 Den Crimhilt schwur ein schwere rach.  
 Wie diß als gschach mit werck und wort,  
 Wert ir ornlich an diesem ort  
 30 Hören und sehen in dem spiel.  
 Darumb seit fein züchtig und stiel,  
 Ist bietlich unser aller wiel.

**Der ernholdt geht ab. König Sigmund auß Niderlant gehet ein  
 mit zweyen rätten, setzt sich trawig nider und spricht:**

- 35 Ir lieb n getrewen, gebet raht,  
 Gott mir ein son bescheret hat,

\*

3 S trache wilt. 13 B könglich. 14 SBCK der. A den. 15  
 SCK den. A dem. 20 S hiltprant. 25 SB Erstachen. dem] S aim. 32  
 B bittlich. 35 S lieb n. A lieben.

Welcher nach mir regieren sol,  
 Der sich darzu nit schicket wol,  
 Ist gar unadelicher art,  
 Helt zucht und tugendt widerbart,  
 5 Ist frech, verwegen und mutwillig,  
 Starck, rüdisch und handelt unbillig;  
 Gar keyn höfflichkeyt wil er lern;  
 Es steht all sein gmüt und begern  
 Allein zu grobn, bewrischen dingen,  
 10 Zu schlahen, lauffen und zu ringen  
 Und von eim lande zu dem andern  
 Eben gleich eim landtfarer wandern;  
 Auff solch grob sach legt er sein sin.

**Dietlieb, der erst raht, spricht:**

15 So last ein zeyt in ziehen hin,  
 Die landt hin und wider beschawen,  
 Das ellendt versuchen und bawen,  
 Dieweil er noch ist jung an jaren,  
 Ungenietet und unerfaren.  
 20 Last in in der frembd etwas nieten,  
 Die frembt lert gut tugendt und siten  
 Und helt die jugendt in dem zaum,  
 Lest in nit all zu weiten raum  
 Und thut auch offt die jugendt ziehen,  
 25 Das sie unart und laster fliehen  
 Baß, denn wenn sie daheimen wern.

**[K 3, 2, 481] Hortlieb, der ander raht, spricht:**

Ja, weil Sewfriedt das thut begern,  
 Ewr könglich mayestadt sun,  
 30 Solt ir in dem im volge thun,  
 In etwan schicken in Franckreich  
 Oder in Hispania der gleich,  
 Da er auch sicht anders hoffhalten,  
 Wie man ist der höffligkeit walten  
 35 Mit rennen, stechen und thurnieren,  
 Mit jagen, hetzen und hoffieren

8 S gmüet. CK gmüt. A gemüt. 9 S grobn. A groben. 20  
 frembd. A fremb. 21 SBCK frembt. A fremb. 27 S Hortlieb.  
 Hertlieb. 29 S folgen. K volgen. 30 B könglich. 32 S Spania.

Von den rittern und edlen allen;  
 Das wirt im denn auch wolgefallen.  
 Dardurch von grobheyt er erwacht,  
 [AB 3, 2, 234] Wirt denn auch artig und geschlacht,  
 5 Als denn gebüert eins königs sun.

**König Sigmundt spricht:**

Nun, ewrem raht wil ich volg thun,  
 Wil in nauff schickn gehn Wurmbs an Rein,  
 An könig Gibichs hoff gemein,  
 10 Daselb hab wir in an der handt  
 Bey unserm hoff im Niderlandt!  
 Da wöllen wir in schicken zu.  
 Ernholdt, Sewfried, mein son, bring du!

**Der heroldt neigt sich, geht ab, bringt Sewfriedt, des königs  
 15 son. Der könig spricht:**

Sewfried, mein aller-liebster sun,  
 Wir wöllen dich ietz schicken thun  
 Hienauff gehn Wurmbs an den Rein,  
 Zu könig Gibich, da dich allein  
 20 Belaiten soln auff hundert man,  
 Alle vom adel wol gethan.  
 Darzu gib ich dir kleynat und gelt,  
 Das du zu hoff dort obgemelt  
 Magst adelich und höflich leben,  
 25 Andern könig-sön gleich und eben.  
 Zu der reiß schick dich, lieber sun.

**Sewfried, des königs son, spricht:**

Herr vatter, das wil ich baldt thun;  
 [C 3, 2, 175] Darzu darff ich kein gut noch gelt,  
 30 Wie du ietzunder hast gemelt.  
 Ich bin starck und darzu jung,  
 Wil mit der handt mir gwinnen gnung.  
 So darff ich auch nach deinem beschaid  
 Kein hoffgesind, das mich beleidt.

4 S ertig. 7 S folg. K volgen. 9 gemein] S allein. 13 S Ern-  
 holt sewfrieden pringen thw. 20 S soln. ACK sol. 22 und] fehlt S.  
 25 CK köng. K söhnen. 26 S Auf die rais. 31 CK noch jung. 33  
 A beschaid. 34 K begleyd.  
 Hans Sachs. XIII. 22

Möcht wol sehen drey freydig man,  
 Die mich nur dörfften greiffen an.  
 Alde, ich zeuch allein dahin,  
 Wo mich hin tretzt mein thummer sin.

**5 Der könig Sigmundt spricht:**

Das glaidt wöl wir dir geben nauß  
 Für das königliche hoffhauß.

**Sie gehen alle ab. Der schmiedt unnd sein knecht gehen ein,  
 der schmidt spricht:**

- 10 Wir sindt heudt zu spot auffgestanden.  
 Was wöl wir nemen unterhanden?  
 Wöllen wir heudt von erst den wagen  
 Die reder mit schineysen bschlagen,  
 Oder wöl wir huffeissen schmiden  
 15 Dem mülner für sein esel niden,  
 Oder was wöl wir erstlich machen?

**Der schmidtknecht spricht:**

- Maister, so raht ich zu den sachen,  
 Wir wöllen erstlich eyssen schroten;  
 20 Unser pfleger hat rauß entbotten,  
 Wir müsen seine roß beschlagen  
 Auff heudt, so baldt es nur sey tagen.

**[K 3, 2, 482] Der schmidt spricht:**

- Nun so blaß auff, und haldt baldt ein!  
 25 Schaw, wer klopfft, wil zu uns herein?

**Sewfried klopfft an. Der schmidknecht spricht:**

Ich will lauffen und im auff-than.  
 Mayster, es ist ein junger Mann.

**Sewfriedt geht ein und spricht:**

- 30 Glück zu, meyster! versteh mich recht,  
 Darffst du nicht hie noch ein schmidknecht?  
 Sag an, wilt du mir arbeit geben?

**Der schmidt spricht:**

Ja, du kumbst mir recht und eben,  
 Wenn du wolst waidtlich schlagen drein  
 Und nicht fürlessig, noch faul sein,  
 5 Ich wil ein tag versuchen dich.

**Sewfriedt spricht:**

Gib her ein hamer, versuch mich;  
 Bin ich faul, so thu mich außjagen.

**Der schmidt gibt im ein hamer und spricht:**

10 Nimb den hamer, thu mir aufschlagen,  
 So wöllen wir die eissen zainen.

**Sewfriedt, des königs son, spricht:**

Ey, was gibst mir so einen kleinen  
 Hamer? ein grösern wil ich füren.

**Der schmidt gibt im ein grösern hamer. Sewfriedt spricht:**

Ja, der thut meiner sterck gebüren.

**Sewfriedt thut einen grawsamen schlag auff den anpoß. Der schmiedt spricht:**

Ey, das aufschlagen taug gar nicht.

**20 Sewfriedt spricht:**

Ey, hab ir mich vor unterricht,  
 Sol nit faul sein, waidtlich drauff schlagen!  
 Das hab ich thon, was thust denn klagen?

**Der knecht spricht:**

25 Mich dünckt, du seist nit wol bey sinnen.

**Sewfriedt spricht:**

Halt, halt, das solt du werden innen.

**Er schlecht mit dem hamerstiel maister und knecht hienauß.  
 Die zwen kummen wider, der mayster spricht:**

1 SBK schid. AC schmidtknecht. 2 S kumest. 4 S farlessig. 11  
 die] S das. 14 S ein grosen. 19 SCK das . A des. K taugt. 21 S  
 Habt ir mich doch for vntericht. K Hast mich doch vor. 23 S thustw clagen.

Wie wöll wir dieses knechts abkummen?

Er hat uns schier das leben gnummen,  
Er ist warlich des teuffels knecht.

**Der schmiedtknecht spricht:**

- 5 Mayster, ich wil euch raten recht,  
Schickt den knecht in den waldt heinauß,  
Sprecht, darinn halt ein koler hauß;  
Gebt im ein korb und last in holn  
Ein korbvol guter aichen koln.  
10 Baldt er denn hienein kumbt in walt,  
So wird in denn erschmecken baldt  
Der trach, der in der hölen leidt,  
Wirt in angreifen zu der zeit  
Und in mit seinem schwantz verstricken,  
15 Würgen und in sein rachen schlicken;  
So kumb wir sein mit ehren ab.

**Der schmiedt spricht:**

Gleich das ich auch besunnen hab.

**[K 3, 2, 483] Der schmiedt schreidt:**

- 20 Sewfriedt, kumb rein, mein lieber knecht.

**Sewfriedt tridt ein unnd spricht:**

[AB 3, 2, 235] Was wilt du mein? das sag mir schlecht.

**Der schmiedt gibt im den korb unnd spricht:**

- 25 Nimb diesen korb und thu uns holen  
Dort im waldt bey dem köler kolen,  
Der wonet dort in dem gestrauß,  
Unter dem birg in seim gehauß.  
Kumb auff das baldest wider schier,  
Auff das denn suppen essen wir.

**30 Der Sewfriedt spricht:**

Jha, wenn ich het adlers gefieder,  
So wolt ich gar schnell kummen wider.

**Sewfried nimbt den korb, geht ab. Der schmiedt spricht:**

Ob gott wil, wirst nicht wider kummen!  
 Es wirt dein leben dir genummen  
 In den waldt von dem gifftigen trachen.

**5 Der schmidtknecht spricht:**

Maister, wir wöln uns außhin machen  
 Und gar von ferren sehen zu,  
 Wie in der trach verschlickten thu,  
 Das wir denn vor im haben rhu.

**10 Sie gehen baide ab.****Actus 2****Sewfriedt kumbt mit dem korb, geht hin und wider unnd spricht:**

Ich suech im waldt hin unde her,  
 15 Doch sih und findt ich kein koler.  
 Ich sich in dem gestreuß dort wol  
 Ein finster, tieff, staineres hol;  
 Vileicht der koler wont darin,  
 Zu dem ich hergeschicket bin.

**Sewfried geht zu dem höl, schaut hienein; der trach scheust herauß auff in, er schützt sich mit dem korb, darnach mit dem schwerdt, schlagen einander. Der trach gibt die flucht, lauffen baidt ab. Seufridt macht daussen ein rauch, samb verbren er den trachen, geht darnach wider ein unnd spricht:**

25 Sol ich nit von großem glück sagen?  
 Ich hab den grossen wurm erschlagen,  
 Nach dem mit esten in verbrendt;  
 Da ist zerschmoltzen an dem endt  
 Sein horn und zsamb gerunnen,  
 30 Gleich wie ein bechlein auß eim brunnen.  
 Das wundert mich im hertzen mein

1 CK schmidknecht. 7 B ferrn. 14 S suech. A sihe, CK sih. vnde]  
 B vnd. 17 K steinernes. 22 schlagen] S jagen. 29 S zvsamen.

Und duncket einen finger drein,  
 Und als der ist erkaltet worn,  
 Da wart mein finger lauter horn;  
 Des frewt ich mich und zug zu handt  
 5 Von meinem leib all mein gewandt  
 Und also mutternacket mich  
 Mit diesem warmen horn bestrich.  
 Des bin ich gleich hinden und vorn  
 An meiner haudt gantz hörnen worn,  
 10 Darauff kein schwert nit hafften kau.  
 Des gleicht mir ietzt auff erdt kein man,  
 Des mag ich fürbaß weiter nit  
 Mein leben füren bey dem schmidt;  
 [K 3, 2, 484] Wil mich abthon meiner grobn weiß,  
 15 Hoffzucht leren mit allem fleiß.  
 Ich wil den nechsten auff Wurmb's fragen  
 Ans königs hoff; wann ich hör sagen,  
 Er hab ein tochter schön und zart,  
 Crimhildt, gantz holdtseliger art;  
 20 Ob ich die selb erwerben kundt,  
 Das erfrewt mit meins hertzen grundt.

**Sewfriedt, des königs son, geht ab. König Gibich geht ein mit seinem heroldt, setzt sich nider unnd spricht:**

Heroldt, geh ins frawenzimmer nein  
 25 Und sag der liebsten tochter mein,  
 Crimhilden, das sie kumb hierher,  
 Zu sehen itzt ich sie beger.

**Der ernholdt geht ab. Sewfriedt kumbt und neigt sich, und spricht:**

30 Großmechtiger köng, ewrn königlich hof  
 [C 3, 2, 176] Hört breissen ich, so weit ich loff  
 In den landen weit hin und her;  
 Derhalb von hertzen ich beger  
 Bey ewr könglich mayestadt hoffdienst.

**35 König Gibich spricht:**

2 S daucht mit ainem. 4 SCK zog. 6 S nackat. 7 C bstrich.  
 14 K ich. S meinr groben. 21 SBCK mir. A mich. 26 SB Crimhilden.  
 ACK Crimhildin. 27 S ich sie iz. 32 S landen hin vnde her. 34 B  
 königlich. CK maystat.

Denselbigen du bey mir finst.  
Was hoffweiß bist du unterricht?

**Der hörnen Sewfriedt spricht:**

Herr könig, ich kan anderst nicht,  
5 Denn in dem krieg reisen und reiten,  
Mit würmen und mit leuten streiten,  
Da muß alle gfar sein gewagt,  
Kün, verwegen und unverzagt.

**König Gibich spricht:**

10 Sag, bist du auch von edlem stam?

**Der hörner Sewfriedt spricht:**

Der hörnen Sewfriedt ist mein nam,  
Wiewol ich auch am stamb und adel  
Hab weder mangel oder zadel,  
15 Alhie aber noch unbekandt.

**König Gibich spricht:**

Nun so gib mir darauff dein handt,  
Das du mir dienen wilt mit trewen.  
Dein dienst sollen dich nit gerewen.

**Der hörnen Sewfriedt beudt im sein handt unnd spricht:**

Mein dienst, so vil ich kan und mag,  
In höchster trew ich euch zusag.

**Der heroldt bringt Crimhilden, des königs tochter, die spricht:**

Hertzliebster herr und vatter mein,  
25 Warumb berüffstu mich herein?  
Was ist dein wil und dein beger?

**König Gibich, ihr vatter, spricht:**

Mein tochter, setz dich zu mir her,  
Ich hab zu frewdt und wolust dir  
30 Angeschlagen einen thurnier  
Mit allem adel an dem Rein,

Da wolt ich selbert auch bey sein,  
 Unden auff unser grün hoffwiesen,  
 [K 3, 2, 485] Daran der Rein hart thut hinfließen.  
 Du aber bleib in dem schloß hinnen  
 5 Und schaw zu überst an der zinnen,  
 Wie der adel thurnieren thw.  
 Und du, Sewfriedt, rüst dich auch zw,  
 Thu mit anderm adel thurnieren  
 [AB 3, 2, 236] In allen ritterlichen ziren,  
 10 Meiner lieben tochter zu ehrn,  
 Ir frewdt und fröligkeit zu mern.

**Der hörnen Sewfriedt spricht:**

Herr könig, das wil ich willig thon,  
 Doch ich keinen thurnier-zeug hon.  
 15 Schafft mir roß, harnisch, schilt und glennen  
 Zum thurnieren, stechen und rennen.

**König Gibich spricht:**

Kumb, mein Sewfrid, auff dein beger  
 Schaff ich dir roß, harnisch und sper.

**Der könig geht mit Sewfrieden ab. Crimhildt, des königs  
 20 tochter, spricht:**

Das ist ein junger, küner heldt,  
 Der meinen augen wol gefelt.  
 Gott geb im glück in den thurnier,  
 Das er in seiner ritter-zier  
 25 Thu ehr einlegen für ander all,  
 Das im der höchst danck heimgefall.  
 Da will ich stehn in stiller rw,  
 Dem thurnier allein schawen zw.

**In dem fleugt der trach daher. Crimhildt sieht ihn unnd spricht:**

30 Herr gott, wie ein grawsamer wurm  
 Fleucht daher mit erschrückling furm,  
 So groß, schrecklich und ungehewr!  
 Auß seinem rachen speit er fewr,

5 S oben. 9 SCK zieren. A zirn. 25 S einlegn. 31 daher] S  
 der her. 32 S gros vnd grawsam vngehewr. 33 A seinem.

Er lest sich herab auß dem lufft  
 Und schwingt sich zu der erden glufft,  
 Zu des schloß zinnen, eilt auff mich –  
 Hilff mir, herr gott, das bit ich dich!

**Der trach kumbt, nimbt sie bey der hendt, laufft eilendt mit  
 ihr ab. Crimhildt schreit:**

Vatter und mutter, gsegn euch gott!  
 Ich fahr hin zu dem bittern todt,  
 Lebendt secht ir mich nimmermehr.  
 10 Gott gsegn dich, frewdt, reichthumb und ehr,  
 Ewr aller ich beraubet bin;  
 Ich fahr und weiß doch nit wohin.

**Der trach fürt die jungfraw ab. Der könig Gibich kumbt mit  
 dem hörnen Sewfriedt unnd heroldt geloffen, schlecht sein  
 15 handt ob dem kopff zusam unnd spricht:**

Ach weh mir, immer ach und weh!  
 Nun wirt ich frölich nimmermehr,  
 Weil ich mein tochter hab verlorn;  
 Auff erdt ist mir nichts liebers worn.  
 20 Itzt ists mir hingfürt durch den trachen,  
 Der sie wirt schlinden in sein rachen.  
 Als ichs im lufft hinfüren sach,  
 Ir kleglich stimb mein hertz durch-brach,  
 Iedoch ich ir nit helffen kundt,  
 25 Biß der trach gar mit ir verschwundt.  
 Nun sie ichs lebendt immer mehr.

**[K 3, 2, 486] Der heroldt spricht:**

Durchleuchtiger könig, bey meiner ehr,  
 Ich glaub, ir geschech nichts am leben;  
 30 Der trach der fürt sie wol so eben  
 Sitlich, gantz höfflich und gemach;  
 Flog durch den lufft der grawsam trach  
 Hinauffwertz gegen Oriendt,  
 Ainr großen wüsten er zu-lendt.

2 S grueft. 4 S des. 5 S hant. 7 SC geseign. A gsengn. B gseng. K ge-  
 segn. 8 zu] B in. 9 B Lebende. 10 K gsegn. 11 CK Ewer.  
 15 S hent. 17 B werd. SB me. CK meh. A mehr. 26 S sich. B  
 sihe. CK sih. 30 so] CK vnd.

So glaub ich warhafft wol, darinnen  
 Wert man sie frisch und gesundt finnen  
 Sambt dem trachen, wer des dörfft wagen.

**Der könig, ihr vatter, spricht:**

- 5 Mein ernholdt, thu baldt ansagen  
 Zu hoff, welcher sich unterwindt,  
 Zu suchen das königlich kindt,  
 Und wer sie von diesem trachen  
 Lebendt und gsundt kan ledig machen,  
 10 Des sol die liebste tochter mein  
 Darnach ehlicher gmahel sein.

**Der hörnen Sewfriedt spricht:**

- Herr könig, last nit weiter fragen,  
 Mein leib und leben wil ich wagen  
 15 Und selb gegen Oriendt reiten  
 In die wüsteney und da streiten  
 Mit dem trachen, dem gifting, bösen  
 Und die jungfraw von im erlösen,  
 Erretten sie von dem verderben,  
 20 Oder selb willig darob sterben.  
 Ich weiß die gelegenheit wol,  
 Da ich den trachen suchen sol,  
 Wann er in seinem flug zu-zoch  
 In der wüst eim gebirge hoch;  
 25 Dem selben wil ich eillen zw  
 Ohn alle rast, fried oder rw.  
 Ich hoff, gott werd mir halten rück.

**König Gibich spricht:**

- Gott geb dir darzu hail und glück,  
 30 Das du den trachen legest nider,  
 Und du mit frewden kummet wider  
 Mit meiner tochter frumb und bider.

**Sie gehen alle ab.**

3 des ] S dis. C das. 8 wer] S wo er. 11 K ehrlicher. 18 S  
 junckfrawen von im lösen.

**Actus 3.**

**Der trach führt die jungfraw auff. Sie sitzt, waint, windt ihr hendt und spricht:**

- Gott, dir sey es im himel klagt,  
 5 Das ich, ein künigliche magdt,  
 Sol nun all mein junge tagen  
 Mein junges leb'n mit wain und klagen  
 Alhie auff dem gebirg verzern,  
 An alle wolust, frewd und ern  
 10 Mit dem vergifften trachen schnöd,  
 In dieser trawrigen einöd,  
 Da ich sie weder viech noch leut!  
 Ach weh mir immer und auch heudt!  
 Westen mich denn die brüder mein,  
 15 Ein ieder wagt das leben sein  
 Und macht mich ledig von dem trachen;  
 Ich red von unmöglichen sachen.  
 Das ich nit bin mit todt verschieden!  
 So leg ich in meim grab mit frieden.  
 20 Muß so in forcht und sorgen sein  
 All augenblick des lebens mein.

**Der trach spricht:**

- Edle jungfraw, gehabt euch wol,  
 Kein leidt euch widerfaren sol,  
 25 Denn das ir müst gefangen sein  
 [K 3, 2, 487] Ein kurzte zeit auff diesem stein.  
 Doch wil ich euch vor allen dingen  
 Gnug zu essen und trincken bringen.  
 Biß das verlossen sindt fünff jar  
 30 Und ein tag. Als denn ich fürwar  
 Wirt wider zu eim jüngling  
 Verwandelt werden gar jehling,

6 S nun mer pey all meinen t. CK meine. 7 B leben. 12 SK sich.  
 B sihe. C sih. 14 denn] S doch. 17 S vnmöglichen. A küniglichen.  
 19 meim] S dem. 31 CK Werd. 32 jehling] S gering.

[AB 3, 2, 237] Wie ich auch vorhin war mit nam  
 Geborn von königlichem stam  
 In Griechen-landt, und bin durch zorn  
 Von einr bulschafft verzaubert worn,  
 5 Verflucht mit teuffelischen gspenst  
 [C 3, 2, 177] Zumb trachen, wie du mich itzt kenst.  
 Drumb, mein Crimhildt, laß dein unmut,  
 Biß diese zeit verlauffen thut,  
 Als denn wil ich dichs als ergetzen,  
 10 In gwalt und könglich herrschafft setzen.

**Crimhildt, des königs tochter, spricht:**

Ach, so bit ich durch gott allein,  
 Für mich heim zu dem vatter mein,  
 Biß dein bestimbte zeit verlauff.  
 15 Als denn wil ich wider herauff  
 Zu dir, das schwer ich dir ein aidt.

**Der trach antwort:**

Nain, nain, von dir ich mich nit schaidt;  
 Du solt kein mensch auff erden sehen,  
 20 Biß das sich die fünff jar hernehen;  
 So wirt ich sein der erste man,  
 Den du auff erdt wirst schawen an.  
 Darumb schleuff in die höl hienein;  
 Wann du must mein gefangner sein.

**Der trach fürt sie ab. Der hörnen Sewfriedt kumbt gewapnet  
 unnd redt mit ihm selb, und spricht:**

Nun bin ich ie vier nacht und tag  
 Gangen, das ich nie ruens pflag,  
 Hab auch mit gessen und getruncken;  
 30 In meinem sinn laß ich mich duncken,  
 Wie sich der trach darein war schwingen  
 Auff das gebirg durch diese klingen  
 Mit des königes tochter zart.

4 S verfluechet. 5 S Pezaubert mit dewllichem. 9 CK dich. 10  
 B königlich. 16 S des. 21 CK werd. 24 S Dw muest mein gefangene  
 sein. 31 war] S det. 33 S küniges. CK königes. A königs.

Gott wöl mir bey-stahn auff der fart!  
 Das birg ist gar unmenschlich hoch,  
 Und sich hienauff kein wege doch.  
 Dort kummet her ein kleiner zwerg,  
 5 Der muß mich weissen auff den berg,  
 Er treget auff ein reiche kron  
 Und hat köstliche kleidung on  
 Mit goldt, thut viel der kleinat tragen.  
 Ich wil zu im, den weg in fragen.

**10 Ewgelein, der zwerg, kumbt unnd spricht:**

Sey gottwilkumb, hörner Sewfriedt,  
 Der all sein tag viel unrahts liedt.

**Der hörnen Sewfriedt spricht:**

Sag, weil du mich bey namen nenst,  
 Von wannen her du mich erkennst?

**Ewgelein, der zwerg, spricht:**

Sewfriedt, du bist mir wol bekandt,  
 Ains königs son auß Niderlandt;  
 Dein vatter heist könig Sigmundt,  
 20 Deinr mutter nam ist mir auch kundt,  
 Siglinga heist dein mutter schan.  
 Du, mein Sewfriedt, sag mir doch an,  
 Was suchst du hie in dieser wildt,  
 Darinn ich vor nie menschenbildt  
 25 In dreyssig jaren hab gesehen?  
 Ich raht, thu dem gebirg nit nehen,  
 Wilt du nit leiden ungemach;  
 Wann darauff wont ein grosser trach;  
 [K 3, 2, 488] Du bist des todts, baldt er dich spürt.  
 30 Er hat ein jungfraw hingefürt,  
 Ains königs tochter an dem Rein,  
 Die wont hoch oben auff dem stein.  
 Der hüt er tag und nacht so sehr,  
 Die wirt erlöset nimmermehr,  
 35 Von hertzen so erbarmbt mich die.

1 S pey sten. 3 CK sih. 8 SBC golt. A geldt. K gott. 12  
 S vnfals.

**Der hörnen Sewfriedt spricht:**

Von irent wegen bin ich hie;  
Die jungfraw ich erlösen wil.

**Der zwerg spricht:**

5 Du werder heldt, der wort schweig stil!  
Fleuch, du bist sunst des todtes eigen.

**Der hörnen Sewfriedt spricht:**

Ich bit, du mir den weg anzeigen,  
Der auff den trachenstein thut gan,  
10 Ob ich der jungfraw hölff darvan.

**Der zwerg spricht:**

O küner heldt, das ist umbsunst  
Dein küner muht und fechtens kunst;  
Der jungfraw auff dem trachen-stain  
15 Kan niemandt helffn, den gott allein.  
Darumb waich baldt, raht ich in trewen,  
Es müst dein junger leib mich rewen,  
Dein kempffen wehr ein kinderspiel.

**Sewfriedt ergreiff den zwerg beim bart, greiff ins schwert unnd spricht:**

20 Zaig mir den weg, oder ich wil  
Dir abhawen das haubet dein,  
Das sol dir zugesaget sein.

**Der zwerg spricht:**

25 Mein herr Sewfriedt, stil deinen zorn,  
Du küner helde ausserkorn,  
Ich wil dich weissen auff das spor,  
Doch must den schlüssel holen for  
Bey eim risen, haist Kuperon,  
30 Ein grosser, ungefüger mon.  
Mit dem aber must du auch kempffen,

8 S thw. CK thu. 9 thut] S ist. 10 jungfraw] S maget huelff.  
CK jülff. 12 das] S es. 13 S küner. ACK thumer. 21 S wege. 27 S  
spor. (So des dichters quelle). ACK sper. 28 S vor. ACK fer. 29 S  
Kuperon. A Kuperan. 30 S mon. A man.

Sein krafft und macht im vorhin dempffen,  
 Eh er den schlüssel gibet dir.  
 In trewen raht ich, volg du mir,  
 Ker umb und rett dein junges leben.

5 **Der hörnen Sewfriedt spricht:**

Den schlüssel muß er mir wol geben,  
 Er sey so unfüg, als er wöll,  
 Mit strachen ich in nöten söll,  
 Das er sich mir auff gnad muß geben.

10 **Der zwerg spricht:**

Ob du gesigst dem risen eben,  
 Must du erst kempffen mit dem trachen,  
 Der verschlindt dich in seinen rachen.  
 Ich sah nie kein erschröcklichern wurm,  
 15 Geflügelt mit grawsamem furm,  
 Sein zeen, die sindt eyseren gantz,  
 Mit einem gifftig, langen schwantz;  
 Auch thut er hellisch fewer speyen,  
 Vor im so magstu dich nit freyen,  
 20 Du müssest vor im ligen todt.

**Der hörnen Sewfriedt spricht:**

Zu hilff so wil ich nemen gott,  
 Zu überwinden diesen trachen,  
 Die schön jungfraw ledig zu machen;  
 25 Wann ich hab vor bey jungen tagen  
 Auch einen trachen todt geschlagen,  
 Hab auch zwen lebendig gefangen  
 Bein schwentzen ubert mawer ghangen.  
 Derhalb weiß mich nur zu dem risen,  
 [K 3, 2, 489] Da wil mein leben ich verliesen  
 Oder erlangen sieg und heil.  
 Wirt die zart jungfraw mir zu theil,  
 So sol sie mein gemahel sein,  
 Dieweil ich hab das leben mein.

11 ansigst. S dem. ACK am. 15 B grausamer. 19 S Vor im  
 vermochtsw. 20 S müestest. 28 S mawer. A mawr. 30 S ich mein leben.

[Ab 3, 2, 238] **Der zwerg spricht:**

Sewfried, du helt und junger man,  
 Das selbig wil ich geren than,  
 Doch wöllest mir verargen nit,  
 5 Das ich dir sollichs widerriet;  
 Wann ich thet es in gantzen trewen.

**Der hörnen Sewfriedt spricht:**

Ich hoff, es sol mich nit gerewen,  
 Für mich nur zu des riesen hol,  
 10 Ich wil in dazu bringen wol  
 Das er mir thür auffschliessen sol.

**Sie gehen alle baidt ab.**

**Actus 4.**

**Der rieß Kuperon tretg ein grossen schlüssel, sicht ubersich**  
 15 **gehn himel unnd spricht:**

Es ist ein grosser nebel heudt,  
 Was er halt wunderlichs bedeut?  
 Der trach ist gewest ungestümb,  
 Er schewst umb das gebirg herümb  
 20 Und thut alle winckel beschawen  
 Zu huet und wach seiner jungfrawen,  
 Darzu ich doch den schlüssel hab,  
 Den mir sol niemandt nöten ab.  
 Der trach der hat mich diese nacht  
 25 Unrwig und munter gemacht;  
 Wil mich gehn wider legen schlaffen,  
 Dieweil ich sunst nicks hab zu schaffen.

**Der rieß geht ab. Der zwerg unnd Sewfriedt kummen. Sew-**  
**fried kloppft mit seiner streitaxt an. Der zwerg weicht, der**  
 30 **rieß spricht:**

6 es] S das. 9-11 SCK hol, wol, sol. A höl, wöl, söl. 14 CK  
 Kuperan. 21 SCK seiner. A seinr. 22 doch] K dann. 26 K Wil  
 gehn ich wider. 27 S nicks. A nichsts.

Wer klopfst an meiner hölen an?  
Harr, harr, ich wil baldt zu dir gan.

**Der rieß springt herauß mit seiner stehelen stangen unnd spricht:**

5 Hör zu, du junger, thu mir sagen,  
Wer hat dich in die wildtneuß tragen?  
Warumb klopfst an meinem gemacht?  
Ich mein, du gehest strachen nach,  
Die sollen dir wern bald von mir.

10 **Der hörnen Sewfriedt spricht:**

Schlagens beger ich nit von dir,  
Sünder wölst mir den schlüssel geben,  
Das ich von dem hartselich leben  
Die zarten jungfraw mag erlösen,  
15 Von dem trachen, dem überbösen,  
Der sie wider recht helt gefangen,  
Nun etwas bey vier jarn vergangen,  
Da ers köng Gibich hat genummen.  
Schaw, rieß, darumb bin ich herkommen,  
20 Die jungfraw wider heim zu bringen.

**[C 3, 2, 178] Kuperon, der rieß, spricht:**

Du junger hach, schweig von den dingen!  
Wilst du dich solichs unterstehn,  
Deinr hundert müssen zu boden gehn,  
25 Eh du kumbst auff den trachenstein.  
Zeuch ab, mit trewen ich dich mein,  
[K 3, 2, 490] Mich erbarmet dein junges blut,  
Das seim unglück nach-suchen thut.  
Fleuch, oder ich weiß dir die straß.

30 **Der hörnen Sewfriedt spricht:**

Hör, rieß, von dir ich nit ablaß,  
Biß du her-gibst den schlüssel mir.

3 CK stählen. 7 S klopfst. K klopfsts. 9 SCK soln  
dir werden. 13 SCK hartseling. 14 CK zarte. 22 SCK hach. A rach.  
23 S Wolstw. 24 S müesten. 25 S kembst.

**Der rieß Kuperon spricht:**

Beit, beit, ich wil in geben dir,  
Den schlüssel, daß das rote blut  
Dir über dein haubt ablaufen thut.

**Der rieß schlecht mit der stangen nach Sewfriedt, springt im auß dem streich, zeucht sein schwerdt, kempffen mit einander. Dem rissen entpfelt die stangen, er buckt sich, im wirt ein streich. Der rieß laufft Sewfridt wider an und spricht:**

10 Du junger heldt, da mustw sterben,  
Von meiner handt elendt verderben.

**Der hörnen Sewfriedt spricht:**

Ich hoff, gott werdt mir bey-gestehn,  
Das du selb must zu drümmern gehn.

**Sewfriedt trifft den rissen wider, der lest die stangen fallen,  
15 laufft darvon. Der hörnen Sewfriedt spricht:**

Nun kumb herauß und wer dich mein,  
Oder bring mir den schlüssel dein,  
Das ich kumb zu der jungfraw schon  
So wil ich dir kein leidt mehr thon.

**Der rieß kumbt wider mit eim schwert, helmblin und schildt,  
spricht:**

Harr, ich wil dir den schlüssel geben!  
Du must enden dein junges leben,  
Ich wil dich selb lebendig fahen  
25 Und dich an einen bawmen hahen,  
Dir zu ewigem hon und spott.

**Der hörnen Sewfriedt spricht:**

30 Vor dir wöl mich behüten gott!  
Mit des hilff hoff ich mich mit ehrn  
Mich dein, des teuffels knecht, zu wern,  
Der du beschlossen hast die magdt.  
Derhalb so sey dir widersagt.

2 S iz will ich geben dir. 5 CK nach ihm, Seyfrid. 9 CK helde. S da mustw sterben. A du must sterben. 24 CK fangen: hangen. 29 mich] CK noch.

**Sie schlagen einander, biß der rieß niderfelt unnd schreyt:**

Oh helt, verschon dem leben mein,  
 So wil ich dein gefangner sein,  
 Wil geben dir mein schilt und schwert,  
 5 Die sindt wol eines landes wert,  
 Ich wil sein dein leib-eigner man.

**Er reckt beidt hende auff. Der hörnen Sewfriedt spricht:**

Ja, rieß, das wil ich geren than,  
 Doch schleuß mir auff die pfort am stein,  
 10 Das ich die jungfraw zart und rein  
 Dem giffting trachen ungefüg  
 Mit dem kampff abgewinnen müg.

**Der rieß Kuperon spricht:**

Das wil ich thun, verbindt mir eh,  
 15 Dein wunden thun mir also weh;  
 Darnach so wil ich mit dir gohn.  
 Und was einr dem andern hat thon,  
 Das sol nun als verzigen sein.

**[AB 3, 2, 239. K 3, 2, 491] Der hörnen Sewfriedt verbindt ihm die wunden mit eim facilet unnd spricht darnach:**

Ja, das ist auch der wille mein.

**Sie bieten die hendt einander, der rieß zeigt ihm ein orht unnd spricht:**

Schaw, sichst du diese stauden dorten?  
 25 Da selb ist des gebirges pforten,  
 Darein geht ein stiegen warlich,  
 Wol acht klaffter dieff untersich.  
 Erst kumb wir zu der pforten groß,  
 Darvor ein starck eyseren schloß,  
 30 Das wil ich denn auffsprerren dir.  
 Ich volg dir, geh du hin vor mir.

**Der hörnen Sewfriedt spricht:**

Erst thu ich mich von hertzen frewen,

14 mir] Ck mich. 27 CK tieff klaffter.

Mich sol kein müe noch arbeit rewen,  
 Das ich nur die zarten jungfrawen  
 Mit meinen augen sol anschawen.

**Sewfriedt geht vor an, der rieß nach, zuckt sein schwerdt,  
 schlecht den hörnen Sewfriedt nider. Das zwerglein würfft  
 sein nebel-kappen auff Sewfridt. Der rieß wil in erstechen, kann  
 in aber nit sehen, sticht umb, spricht:**

Wie ist mir dieser heldt verschwunden?  
 Ich thet in uber-hardt verwunden,  
 10 Das er mir für die füß thet fallen.  
 Das ist mir ein wunder ob allen,  
 Das ich in nirgendt sehen kan,  
 Ich wolt in geren gar abthan.

**Der rieß sucht in hin und wider, der zwerg richt Sewfrieden  
 auff, der würfft die nebel-kappen von ihm, laufft den rissen  
 an, kempffen, biß der rieß nider-geschlagen wirdt. Sewfriedt  
 spricht:**

Du trewloser man, nun must sterben,  
 Kein mensch sol dir gnad erwerben.

**Kuperon, der rieß, reckt baidt hendt auff, bit unnd spricht:**

Schon meinem lebn, du küner degen,  
 Würgst mich, so must du dich verwegen  
 Der schönen jungfrawen, glaub mir;  
 Ohn mich so kan kein mensch zu ir.

**25 Sewfriedt spricht:**

Der jungfraw lieb, die zwinget mich,  
 Das ich muß lassen leben dich.  
 Baldt geh voran und sper uns auff  
 Den trachenstain, das wir hienauff  
 30 Kummen zu der jungfrawen zart,  
 So darauff ligt gefangen hart.

**Der rieß Kuperon steht auff, niembt die schlüssel unnd spricht:**

Du tugenthaffter junger man,  
 Das wil ich willig geren than,

3 S an sol schawen. 6 S auff Sewfrid. A auff in. 8 Wie] S Wo.  
 16 S schlecht sich mit im. 19 SCK genad. 21 S meinem leben. A meines  
 leben. CK meins lebens.

Ich merck, du biß von edlem stammen.  
 Nun wöllen wir gehn baidesamen  
 Und auff-schliessen den trachenstein,  
 Das thu, ich und das zwerglein klein  
 5 Zu der jungfrawen gehen doch  
 Etwas auff dausent staffel hoch  
 In dem holen fels hin und wider,  
 [K 3, 2, 492] Biß wir die erentreichen bider  
 Erraichen auff des birges spitz,  
 10 Da sie in grosem unmuht sitz  
 Und wartet des grawsamen trachen,  
 Der sich bald zum gebirg wirt machen,  
 Der jungfrawen zu-fürt mit fleiß  
 In seinen klopern tranck und speiß.

**15 Der hörnen Sewfriedt spricht:**

Nun geh voran mit wenig worten  
 Und entschleuß uns des birges pforten,  
 Das wir baldt kummen zu der zarten,  
 Die ist auff ir erlösung warten,  
 20 Das sie kumb zu irn eltern schier.  
 Des wil ich sein behilfflich ir;  
 Darzu wöl gott auch helffen mir.

**Sie gehen alle drey ab.**

**Actus 5**

**Die jungfraw Crimhilt geht ein, setzt sich trawig und spricht:**

Ey, wil sich gott den nit erbarmen  
 Über mich gar ellenden armen?  
 Muß hie in dieser wildtnuß bleiben,  
 Mein junge tag in laid vertreiben  
 30 Bey dem gewlich, grawsamen trachen,  
 Der mein hüet tag und nacht mit wachen,  
 Vor dem ich abendt und den morgen

1 S pist. CK bist. 4 S dw. CK du. 5 S gent idoch, 7 fels]  
 S pirg. 10 K sitzt. 14 S klappern. 21 SCK Des. A Das. 32 den]  
 K auch.

Auch meines lebens muß besorgen.  
 Wen hör ich herauff gehn allein  
 In des gebirges wendel-stein  
 Darain doch kam kein mensch fürwar  
 5 Von ietzt an biß ins vierdte jar?

**Der rieß Kuperon geht ein mit dem hörnen Sewfriedt und dem zwerg. Die jungfraw gesegnet sich und spricht:**

Ach, Sewfriedt, wer bringt euch hierher?  
 Ewer leben steht in gefehr  
 10 Vor dem grewlichen, grossen trachen.  
 Der wirt sich gar bald zuher machen,  
 Die sunn steht auff dem mittag grat;  
 Darumb flicht baldt, das ist mein raht.  
 Solt euch widerfaren ein leit,  
 15 Das rewet mich meins lebens zeit;  
 Drumb flicht, sagt vatter und mutter mein,  
 Ich mües ewig gefangen sein,  
 Das man sich mein verwegen sol.

**Der hörnen Sewfriedt spricht:**

20 Künckliche magdt, gehabt euch wol,  
 [C 3, 2, 179] Ich wil euch von dem grossen trachen  
 Mit gottes hilff frey ledig machen,  
 Oder wil darob willig sterben.

**Kuperon, der rieß, zeigt im ein schwerdt an der erden unnd  
 25 spricht:**

Wenn du wilt hie den preiß erwerben,  
 So must du nemen jenes schwerdt;  
 Wann kein waffen auff gantzer erdt  
 Mag diesen trachen machen wundt,  
 30 Denn ienes schwert, thu ich dir kundt.

**[AB 3, 2, 240] Der hörnen Sewfriedt buckt sich, das schwerdt auff zu heben. Kuperon, der rieß, schlecht wider auff ihn. Sewfriedt ergreiff das schwerdt unnd spricht:**

Ach du meinaidig, trewloß man,

4 S Darain. A Daran. 17 S mües. C müsse. K müß. A musse.  
 26 hie] fehlt S. CK hie wilt. 30 SCK thw. A thue.

[K 3, 2, 493] Kanst du deiner untrew nit lahn?  
 Nun must du sterben, es ist zeit,  
 Drey mal hast du brochen dein eidt.

**Die jungfraw waandt, windt ir hendt. Sie schlagen einander, biß der rieß felt. Sewfriedt würfft in uber-ab bey einem bein unnd spricht:**

Nun fall uber des birges joch  
 Auff etlich hundert klaffter hoch  
 Und zerfal dich in dausendt stück  
 10 Und hab dir alles ungelück!

**Er kert sich zu den jungfrawen unnd spricht:**

Ach jungfraw, nun seidt wolgemut,  
 Ich hoff, es werdt nun alles gut.  
 Verwegen meinen leib ich wag,  
 15 Ungessen biß an vierdten tag.

**Der zwerg geht ab. Die jungfraw spricht:**

Ach, ewer zukunfft ich mich frew.  
 Ich danck euch aller lieb und trew,  
 Das ir umb mein willen kumbt her  
 20 Und gebt euch in todtes gefehr.  
 Nun, hilfft mir gott durch euch darvon  
 Haim zu landt, so wil ich euch hon  
 Für meinen ehrlichen gemahel,  
 Mein trew euch halten vest wie stahel.

**Der zwerg kumbt, bringt ein gülden schalen vol confect und spricht:**

O strenge helt, ich kan ermessen,  
 Weil ir so lang nichts habet gessen,  
 Wirt euch nun gehn an krefft ab.  
 30 Derhalb ich euch hierher bracht hab  
 Krefftig confect, mit thut euch laben.  
 Ir werdt nit lang zu ruen haben,  
 Wert kempffen müssen mit dem trachen,  
 Der sich baldt wirt dem birg zu machen.

14 S Verwegen meinen leib. A Von wegen meiner lieb. 25 S gülden.  
 A güld. CK vol. A von. S mit. 31 S damit. CK thut euch mit.

**Der hörnen Sewfriedt isset ein wenig. Die jungfraw fecht an und schreit:**

O, ich hör den trachen weit draussen  
 Hoch in den lüfften einher saussen  
 5 Sehr ungestümb und ungehewer,  
 Und speidt auß seinem rachen fewer.  
 Darumb fliecht, werder helde, sehr,  
 Oder stellet euch zu der wehr.

**Der zwerg nimbt die schalen und spricht:**

10 O, kumbt der trach, so bleib ich nicht!  
 Der angst-schweiß mir ob im außbricht,  
 Ich bin im vil zu schwach und klein,  
 Wil bhalten mich in holen stein.

**Die jungfraw spricht:**

15 Mein heldt Sewfriedt, nun fliehet auch  
 Vor des trachen fewer und rauch  
 Und verstecket euch auch mit mir,  
 Biß sich der gifftig rauch verlier.

**Da fliehens alle drey. Der trach kumbt, speidt fewer, laufft hin und her. Wenn er verscheust, laufft ihn Sewfriedt an, der trach reist im den schilt vom halß, stöst ihn umb, laufft uberhin. Sewfriedt fert wider auff, schlecht auff den trachen, biß der felt, den würfft er auch hinab. Sewfriedt felt vor amacht umb. Die jungfraw kumbt, legt im sein kopff auff ir schoß, 25 spricht kleglich:**

[K 3, 2, 494] Nun muß es gott geklaget sein,  
 Ist abgeschieden die sele dein  
 Vor müde und grosser amacht!  
 Mein lieb dich in den unfal bracht.

**Das zwerglein kumbt unnd schawet zu Sewfriedt und spricht:**

Ach jungfraw, der heldt ist nit todt,  
 Er ligt in amacht grosser noht.  
 Gebt im nur dieser wurtzel ein,  
 So kumbt er zu im selber fein.

20 S Palt er verschlossen hat. 21. 22 S über in hin. CK vberhin.  
 A vorhin. 34 S So wirt er zv im kumen fein.

**Die jungfraw gibt ihm die wurtzel ein. Der hörnen Sewfriedt  
sitzt auff und spricht:**

Wo bin ich, und wie ist mir gschehen?  
Ich kan schier weder hörn noch sehen.

**5 Die jungfraw halst und küsset in und spricht:**

Mein Sewfriedt, seyt keck und getröst,  
Ich bin durch ewer handt erlöst,  
Des habet danck und ewig preiß.

**Der zwerg spricht:**

- 10 Auch habt ir erlöst gleicher weiß  
Mich und mein hoffgsindt in dem berg.  
Ich bin ein könig uber dausendt zwerg;  
Uns bezwang der rieß Kuperon,  
Das wir im mustn sein unterthon.
- 15 Nun sindt wir auch ledig und frey,  
Got und euch preiß und ehre sey!

**Der hörnen Sewfriedt steht auff und spricht:**

- Wolauff, so wöllen wir auff sein;  
Eillen gehn Wurmb's an den Rein,
- 20 Zu ewrem herr vatter Gibich,  
Der wirt sich frewen hertziglich.

**Der zwerg Ewgelein spricht:**

- Sewfriedt, ich wil das gleidt euch geben  
Und euch die strassen weissen eben
- 25 Auß dieser grossen wüsteney,  
Dieweil sie gar unwegsam sey,  
Wil darnach fürfarn in weng tagen,  
König Gibich ewr zukunfft sagen.

**Der hörnen Sewfriedt spricht:**

- 30 Nun walt sein gott, so wöl wir frey  
Mit frewdn haimreiten alle drey.  
Dieweil du hast des gstirn kunst,

2 S sitzt. A sicht. 8 S habent. 14 SC mustn. A musten. 18 so] S  
nun. 32 K gstirns.

So sag du mir auß trew und gunst  
 Wie es mir gehn sol, ubl oder wol,  
 Und wie lang ich auch leben sol,  
 Auch wie ich nemen werdt ein endt.

**5 Der zwerg schawet auff an das gestirn unnd spricht:**

Das firmament nichts guts erkent.  
 [AB 3, 2, 241] O küner heldt, du rewest mich,  
 Das gestirn, das zeiget auff dich,  
 Dir werdt die jungfraw zum weib geben,  
 10 Bey der werst du nur acht jar leben.  
 Nach dem wirst du im schlaff erstochen,  
 Das doch auch endlich wirt gerochen  
 An den untrewen mördern dein.

**Der hörnen Sewfriedt spricht:**

15 Nun, was gott wil, das selbst muß sein.  
 Wolauff! nit lenger wöl wir beitten,  
 Gehn Wurmb an den Rein zu reitten.

**Sie gehen alle drey ab. König Gibich gehet ein mit seinem heroldt, setzt sich trawig unnd spricht:**

[K 3, 2, 495] Ach gott, erst bin ich ellendt gar,  
 Weil ich biß in das vierde jar  
 Mein tochter Crimhildt hab verlorn,  
 Die von eim wurm hingfür ist worn,  
 Die ich vielleicht sie nimmer mehr.  
 25 Das kummert mein gmahel so sehr,  
 Das sie auch starb vor hertzen-leidt.  
 Also hab ichs verloren baidt.

**Der zwerg Ewgelein kumbt und spricht:**

Herr könig, nun seiet getröst!  
 30 Ewr tochter ist vom trachn erlöst  
 Durch Sewfrieden vor kurtzer stundt,  
 Die kummet ietzt frisch und gesundt.

**König Gibich spricht:**

2 sol] fehlt S. K vbl odr. 4 K werd nemmen. 6 CK; SAB fehlt dieser  
 vers. 8 S stiren. 11 S werstw. 24 SB sich CK sih. 25 S gmahel.  
 A gemahel. 29 SCK seyete. B seyt. A seidet.

Diß sindt die aller-liebsten mer,  
 Der ich nie hab gehört, bißher  
 Mein liebe tochter war geborn.  
 Lang mir her stiffel und die sporn,  
 5 Das ich meinr tochter entgegen reit.

**Der zwerg spricht:**

Herr könig, ungemüet seit,  
 Sie sindt schon zu nechst vor dem schloß  
 Baide abgestanden von roß,  
 10 Sie kummen gleich baide zumal  
 Herauff in den küncklichen sal.

**Sewfriedt füret Crimhilden ein. Der könig gehet in entgegen,  
 umbfecht sein tochter und spricht:**

Biß mir wilkumb, o tochter mein.  
 15 Wie unaußsprechlich grosse pein  
 Hat seither mein hertz umb dich erlieden,  
 Das auch dein mutter ist verschieden.

**Der könig peut Sewfrieden die handt und spricht:**

[C 3, 2, 180] Sewfriedt, du trewer helde mein,  
 Fürbaß solt du mein aiden sein,  
 Wie ich dir denn verhaissen hab,  
 Als du zu Wurmbs schiedest ab.  
 Sag, wie und wo du habst gefunden  
 Mein tochter, und auch überwunden  
 25 Den trachen, du mein lieber aiden.

**Der hörnen Sewfriedt spricht:**

Des wil ich euch ornlich beschaiden,  
 Das ir solt hören grosse wunder.  
 Itzt aber sindt wir müdt besunder,  
 30 Müssen auß-ruen. Nach wenig tagen  
 Wil ich von stück zu stück euch sagen,  
 Mit was gefehr ich hab gestritten;

2 CK seydhher. 4 mir] S pald. 8 S vnden in dem. 12 S in ent-  
 gegen. A ein. 15 SCK vnausprechlich. A vnaußsprechliche. 16 S seit. 17  
 Des] S Das. 18 S peut. CK beut. A baidt. 19 S dewrer. 23 S hast.

Auch was ewr tochter hab erlitten  
 In den vier jaren bey dem trachen,  
 Wirt sie euch alles kundtbar machen.

**König Gibich spricht:**

- 5 Nun es ist gut, heindt habet rue  
 Morgen wöll wir rahtschlagen, wue  
 Und wenn wir hochzeit wöllen halten  
 Und wuniglicher frewden walten  
 Mit allem adel an dem Rein,  
 10 Mit frawen und jungfrewelein.  
 Nun kummet zum nachtmal herein.

**Sie gehen alle ab.**

**Actus 6.**

**Der hörnen Sewfriedt geht ein mit Crimhilden, seiner gemahel,  
 15 sitzen zamen, und sie spricht:**

- [K 3, 2, 496] Sewfriedt, herztlieber gmahel mein,  
 Nun bist du mein, so bin ich dein,  
 Nun scheidt uns niemandt dann der todt.  
 Lob sey dem allmechtigen gott,  
 20 Der dir gab solche macht und krafft  
 Und das du wurdest sigenthafft  
 Am grosen risen Kuperon,  
 Den must zum vierdten mal beston,  
 Auch das du überwundst den trachen,  
 25 Dardurch du mich thest ledig machen  
 Von meiner ellenden gefencknuß,  
 Grewlichen, hardtseligen zwencknuß.  
 Sag, von wann kam sterck und künheyt.

**Der hörnen Sewfriedt spricht:**

- 30 Mein Crimhildt, wiß mein heimligkeyt,

17 S Nun pin ich dein, so pistw mein. 20 S solich. 21 S sigehaft.  
 23 SCK Den. A Dem. 29 CK wann dir.

Das ich hab wol zwölff mannes sterck  
 Angebörner art, darnach merck:  
 In meiner jugendt sich zu-trug,  
 Das ich auch ein trachen erschlug,  
 5 Den ich hernach verbrendt mit fewr.  
 Von diesem trachen ungehewr  
 Zerschmaltz das horn, floß wie ein bach,  
 Mit dem schmirt ich mein leib hernach,  
 Darvon mein hautd ist hart wie horn.  
 10 Derhalb ich also kün bin worn  
 Gegen riesen, helden und würmen  
 Mit kriegen, kempffen und mit stürmen,  
 Das meins gleichen nit lebt auff erdt.

**Crimhildt, die künigig, spricht:**

15 Sagt man doch von eim helden werdt,  
 Der wohn zu Beren in Welschlandt.  
 Der selb herr Dietrich sey genandt,  
 Hab auch erschlagen viel der recken,  
 Den könig Fasolt und den Ecken,  
 20 Die Rüetz und auch rieß Sigenot.

**Der hörnen Sewfriedt spricht:**

Ja, das ist war, doch wolt ich gott,  
 Das her-kemb Dietrich von Bern;  
 An dem wolt ich mein krafft bewern,  
 25 Hoff, er wer mein ehren ahn schaden.

**Crimhild, die künigin, spricht:**

Wilt du, so wil ich lassen laden  
 Hierher gehn Wurmbs an den Rein  
 Den Berner und den meyster sein,  
 30 Nemblich den alten Hildebradt,  
 Der listig ist mit mündt und handt;  
 Der gibt dem Berner weyß und lehr,  
 Das er mit kampff einleget ehr.

**[AB 3, 2, 242] Der hörnen Sewfriedt spricht:**

4 S trachn. 11 S vnd den. 16 S im. 23 S köm.

Ja, ladt in her in rossengarten,  
 Da wil ich sein mit kampff erwarten.  
 Schreib im, so wirt er nicht außbleiben;  
 Künheit und hochmuht thut in treiben,  
 5 Das er sich oft in seinem leben  
 In groß gferligkeit hat ergeben.

**Chrimhildt, die künigin, spricht:**

Nun so wil ich schicken zu handt,  
 Zu im den hertzog auß Brabandt,  
 10 Der wirt den handl außrichten wol.

**Der hörnen Sewfriedt spricht:**

Mitler zeit man zu-rüsten sol  
 Den obernanten rosengarten;  
 Mit höffligkeyt nach allen arten  
 15 Sol man kleiden das hoffgesindt,  
 Das der Berner geschmücket findt  
 Alle ding nach königlicher art.

**Crimhildt, die künigin, spricht:**

[K 3, 2, 497] Nun kumb, so schick wir auff der fart  
 20 Mein vettern hertzog auß Brabandt  
 Hin gehen Beren in Welschelandt,  
 Zu bringen diesen künen heldt,  
 Den du zu kampff hast auserweldt.

**Sie gehen baide ab. König Gibich geht ein, setzt sich nider  
 25 und spricht:**

Die tochter und der aiden mein  
 Haben geschrieben an den Rein  
 Herr Dietrich von Beren zu kummen;  
 Waiß nit, ob es in raich zu frummen.  
 30 Nun, ich muß es lassen geschehen  
 Und darzu durch die finger sehen.  
 Die sach sicht mich nit an für gut,  
 Weil nichts guts kumbt auß übermut.

**Der könig gehet ab. Herr Dietrich von Bern gehet ein mit  
 seinem wapenmeister, dem alten Hildebrandt, unnd spricht:**

5 oft] S hat. 6 S Oft in gros gferlikait ergeben. 12 SCK zv. A  
 sich. 29 S in. A im.

Hör zu, mein wapenmeister Hilbrandt:  
 Crimhildt, die künigin, hat gesandt  
 Von Brabandt den hertzen her  
 In botschafft, und ist ir beger,  
 5 Das ich gehn Wurmbs kumb an Rein  
 Und sol alda kempffen allein  
 Mit Sewfrieden, der wöl mein warten,  
 Irm gmahel, in dem rosengarten.  
 Wie rädstu? soll ich dahin reiten?

10 **Der alte Hildebrandt sprich:**

Ey, habt ir doch zu allen zeiten  
 Gefochten nur nach preiß und ehren,  
 Ewren rum und preiß zu mehren!  
 Warumb wolt irs ietzt unterlassen?  
 15 Macht euch fürderlich auff die strassen,  
 Ich selber wil auch reiten mit.

**Der Berner spricht:**

Rätst dues, so wil ich lassen nit.  
 So laß uns baldt satlen zway pferdt,  
 20 Nimb schilt, helmb, harnisch und das schwert,  
 So wöllen wir noch heut auf sein,  
 Reiten gen Wurmbs an den Rein.

**Sie gehen alle baidt ab. Crimhildt gehet ein mit dem hörnen Sewfriedt, irm herren, und spricht:**

25 All ding verodent ist auff best.  
 Kemen nur baldt die werden gest!  
 Wann ich der zeit kaum kan erwarten,  
 Wie ir baid in dem rosengarten  
 So ritterlich werdet kempffen.  
 30 Thust du mit kampff den Berner demffen,  
 So wirt dein lob erhöhet werden  
 Über all heldt auff gantzer erden.

**Der hörnen Sewfried spricht:**

Ja, ich hoff sollichs auch zu enden,

1 S wapmaistr. 10 S hilleprant. 12 S Gefochtn eur rum vnd preis  
 zw meren. 16 CK will selber auch. 18 S Retstus. 20 S Nem. 25  
 S verornet. CK verordnet.

Doch steht es als in gottes henden;  
 Derhalb der sie steht auff der wal.  
 Ich wil gehn in den innern sal.

**Der hörnen Sewfriedt gehet ab. [K 3, 2, 498]] Der Berner kumbt, sieht ihm nach, kert sich zu Crimhilden unnd spricht:**

Fraw künigin, ir habt mir geschrieben,  
 Von Bern mich her gen Wumbs trieben  
 Und mir ein kampff gebotten an  
 Mit köng Sewfriden, ewrem man,  
 10 Den ich ietzundt kumb zu volenden  
 Mit heldenreichen, künen henden.

**Crimhildt beudt im die handt unnd spricht:**

Ja, mein edler Dietrich von Bern,  
 Durch diesen kampff wil ich pewern,  
 15 Ob ir oder mein gmahel werdt  
 Der künest heldt sey auff der erdt;  
 Dem selben von mir werden muß  
 Ein umbefang und süeser kuß  
 Und auch ein rosen-krentzelein.

**20 Dietrich von Bern spricht:**

Der kampff sol zugesaget sein;  
 Sagt in nur ewrem herren an.

**Crimhildt spricht:**

Ja, küner heldt, das wil ich than.

**Der künigin geht ab. [C 3, 2, 181] Der Berner spricht zum Hiltbrandt:**

Itzundt thut ich bey meinen trewen  
 Des kampff-zusagen heimlich rewen,  
 Dieweil Sewfriedt gantz hörnen ist,  
 30 Das ich vorhin nit hab gewist.  
 Darumb wolt ich von herzten gern,  
 Ich wehr wider daheim zu Bern.

**Der alte Hiltbrandt spricht:**

Ey, wie ein schendltich verzagt man,

Der Sewfrieden nit wolt bestan!  
 Wo man das saget in dem landt,  
 Des het ir groß laster und schandt.  
 Wolt gott, ich het euch nie gesehen!

**5 Dietrich von Bern spricht:**

Wie darffstu mich so schendtlich schmehen?  
 Weil du mir sprichst solch spodt und hon,  
 So gib ich dir auch deinen lon.

**Der Berner zeucht von leder, schlecht Hildebrandt nider und geht zornig ab. [AB 3, 2, 243] Der Hildebrandt stehet auff unnd spricht:**

Mein herren ich erzürnet hab,  
 Der ein so harten straih mir gab.  
 Ich habs nit ohn ursach gethan,  
 15 Den kampff er dardurch gwinnen kan.

**Hildebrandt gehet ab. Crimhildt, die künigin, kummet, setzt sich nider und spricht:**

Ich wil mich setzen in die rosen,  
 Dem kampff da zusehen und losen.

**König Sewfriedt kummet gewapnet, gehet auff und nider und spricht:**

Wie lang muß ich im rosengarten  
 Auff den Dietrich von Beren warten?  
 Ich mein, er sey worden verzagt,  
 25 Der vor manchen kampff hat gewagt.

**[K 3, 2, 499] Herr Dietrich von Bern kummet gewapnet unnd spricht:**

Ich wil dir kummen noch zu frw;  
 Darumb, Sewfriedt, rüst dich darzw.  
 30 Mich hat verachtet auch Hilbrandt,  
 Hat wol entpfunden meiner handt,  
 Das er vor mir gestreckt lag,  
 Das dir auch wol begegnen mag.

**Der hörnen Sewfriedt spricht:**

Bist du so kün, drit zu mir her,  
Laß schawen, wer dem andern scher.

**Da kempffens mit einander, Sewfriedt dreibt den Berner umb,  
Hiltebrandt sicht heimlich zu, spricht gemach:**

5 Heroldt, geh bring das bottenbrodt,  
Berner hab mich geschlagen todt.

**Der heroldt tritt auff den blan unnd schreidt:**

Ir herren, last den kampff mit rw,  
Biß ich ein wort verkünden thw:  
10 Hiltbrandt, der alte, der ist todt,  
Seiner seel wöl genaden gott,  
Den sein eigner herr hat erschlagen,  
Den wil man ietz zu grabe tragen.

**Dieterich von Beren spricht:**

15 Ist todt der wapenmeister mein,  
Den ich erschlug von wegen dein,  
Sol es dir auch nit baß ergan.  
Wehr dich mein, erst bin ich ein man  
Und ergrimmet in meinem zorn,  
20 Du must sterben, werst lauter horn.

**Sie schlagen wider einander, Sewfriedt weicht hinder sich, der  
küingin in ir schoß, die wirfft ein dün tüchlein über in, spricht:**

Dietrich, bist ein tugenthaffter man,  
So wirst du heut geniessen lan  
25 Meinen herren der freyheyt groß,  
Weil er mit ligt in meiner schoß.  
Verschon seins lebens im allein,  
Er sol nun dein gefangner sein.

**Dietrich von Bern spricht zornig:**

30 O nein, das thu ich nit, bey gott,  
Weil mein meyster Hilbrandt ist todt,  
So laß ich in auch leben nit,  
Darfür hilfft weder fleh noch bit.

8 mit] S in. 22 S thün tüchlein. 23 S Perner, pist ein thuegent-  
haft mon.

**Er zucket das schwerdt, ihn zu erstechen. Der alte Hildebrandt kumbt, fert unter das schwerdt unnd spricht:**

Mein herr Dietrich, last ewren zorn,  
 Ich bin wider lebendig worn,  
 5 Hab mein todt dir kundt lassen than,  
 Darmit dein zoren zündet ahn,  
 Das von dir ging fewer und dampff,  
 Darduch du oblegst in dem kampff.

**Der Berner wendt sich unnd spricht:**

10 Nun sey gott lob zu dieser stundt,  
 Das du noch lebst frisch und gesundt!  
 Fried sey und iederman verzigen,  
 Weil ich thet ritterlich gesiegen  
 Und den preiß hie erfochten han.

**[K 3, 2, 500] Er beudt Sewfriden die handt, richt ihn auff, und Sewfriedt spricht:**

Dietrich, du tugenthaffter man,  
 Hab danck, das du mir schenckst mein leben.  
 Dein krafft hab ich erfarn eben,  
 20 Hab nun erkennet auch dein trew,  
 Deinr freuntschafft ich mich hoch erfrew.

**Die künigin beudt dem Berner die handt unnd spricht:**

Herr Dietrich, lieber herre mein,  
 Nembt hin das rosenkrentzelein,  
 25 Darzu mein umbefang und kuß.

**Sie setzt im den krantz auff, umbfecht in, gibt im ein kuß.  
 Herr Dietrich von Bern spricht:**

Erst mich mein kampff nit rewen muß;  
 In frawen-dienst so bin ich gern.  
 30 Nun wöl wir widerumb gehn Bern  
 Reiten. Gott geb euch seinen segen  
 Itzundt, forthin und alle wegen  
 Und laß euch gott mit frewden leben.

**Der hörnen Sewfriedt spricht:**

9 unnd] S vmb. 11 lebst] S pist.

Wir wöllen euch das gleidt nauß geben  
 Und uns weiter zwischen uns beden  
 Mit einander freundlich bereden,  
 Was wir mit kampff unser tag erleden.

5 **Sie gehen alle ab.**

**Actus 7.**

**Günther, Gernot und Hagen, drey brüder Crimhilden, gehen ein, und Günther spricht:**

Hört zu, ir lieben brüder mein,  
 10 Wir sindt verachtet gar allein  
 Von unserm schwager, dem Sewfriedt,  
 Er achtet unser aller nit.  
 Unser schwerster hat in erwelt,  
 Mit schmeichlerey er sich auff-helt  
 [AB 3, 2, 244] Zu Gibich, unserm vatter alt,  
 Uns sün vertringet mit gewalt.  
 Als was er thut ist wolgehthon,  
 Uns lest man wie die narren gohn,  
 Als ob wir wern nit königs sün.

20 **Gernot, der ander prueder, spricht:**

Ir brüder, sey wir nit so kün,  
 Das wir diesen Sewfriedt außstreiben,  
 Lassen also zu hoff in bleiben  
 Mit solchem gwaltigen anhang?  
 Es sey geleich kurtz oder lang,  
 Stirbt unser herr vatter in den mern,  
 So wirt er gewieß künig wern;  
 Wann er hat schon in seiner hendt  
 Wol halb das könglich regiment.  
 30 Raht, wie man dem fürkummen sol.

4 S erleden. A erlieden. 7 S Gernot. A Gernet. ACK bringen an-  
 statt Gernot, Hagen die manchfaltigsten falschen formen, die alle auf lesefehlern  
 beruhen. 14 S auch helt. 18 gohn] S ston. 19 S künigs. A köngs.  
 25 sey] S se.

**Hagen, der drit bruder, spricht:**

Er ist nit außzutreiben wol,  
 Dieweil er unser schwester hat;  
 Ob im helt könglich mayestadt.

- 5 Wie, wenn unsr einer an der stedt  
 In ein kampff in auff-forden thet,  
 Und das sich denn das glück zu-trüg,  
 Das einer in mit kamff erschlüg?  
 So kem ich wir sein mit ehren ab.

**10 Günter, der eltest bruder, spricht:**

Darauff ich wol gesunnen hab.  
 Welcher aber wil mit im kempffen,  
 Der in wiß in dem kampff zu dempffen,  
 Dieweil sein haudt ist lauter horn  
 15 Unden und oben, hindn und vorn.  
 [K 3, 2, 501] Allein zwischen dem schulter-blatt  
 Zwayer span breidt bloß flaisch er hat,  
 Dasselb ist er allein zu gwinnen.

**Gernot, der ander bruder, spricht:**

- 20 Lang hab ich dem auch nach thun sinnen.  
 Ir brüder, er ist gwiß die sag,  
 Das Sewfriedt allmal umb mittag  
 Hienauß spaceret in den waldt,  
 Legt sich zu einem brunnen kaldt  
 25 Ins graß und wolschmeckenden blumen,  
 Thut darinn ein wenig schlaffn und schlummen.  
 Da möcht man in heimlich erstechen  
 Und denn zu hoff mit ehren sprechen,  
 Es hettens die mörder gethan.

**30 [C 3, 2, 182] Hagen, der drit bruder, spricht:**

Bruder, dein fürsschlag nem wir an;  
 Wir wöllen fleissig auff in sehen  
 Und bey dem brunnen in außspehen,

1 S Hagen. A Hagon. 8 mit] SK im. 12 SCK will ab ir. 17  
 bloß] S waich. 19 S Gernot. A Gerner. 26 ein weng] S allain. 29  
 Es] S Sam. 31 dein] S den.

Darbey wil ich in selb erstechen  
Und uns drey brüder an im rechen.

**Günter, der eltest bruder, spricht:**

Da wöllen wir zam schwern ein aidt,  
5 Ich und darzu ir alle baid,  
Gernot und du, bruder Hagen.

**Sie legen die finger auff ein bloß schwerdt. Hagen spricht:**

Nun, diese that die wil ich wagen,  
Doch schweiget darzu alle stil,  
10 Heudt ich die sach noch enden wil.

**Sie gehen alle drey ab. Der hörnen Sewfriedt kummet in königlichem gewandt, legt sich unnd spricht:**

Ich wil mich legen zu dem brunnen  
Hie an den schatten vor der sunnen,  
15 Unter die linden, an den rangen,  
Den schmack der guten würtz empfangen.  
Und liegen da in stiller rue.  
Wie senfft gehn mir mein augen zue!

**Die drey brüder kummen, die zwen deuten auff Sewfrieden. Hagen schleicht hinzu, sticht im den dolchen zwischen sein schultern, würfft den dolch hin, Sewfriedt zabelt ein wenig, ligt darnach still. Hagen spricht:**

Nun hat auch ein endt dein hochmuet,  
Der uns fort nicht mehr irren thuet.  
25 Nun wöllen wir zu hoff ansagen,  
Wie Sewfriedt mördtlich sey erschlagen  
Von den mördern bey dem brunnen;  
Da hab ein jeger in gefunnen.

**Sie gehen ab, decken in mit reissig zu. Crimhildt, die künigin, geht ein mit dem heroldt und eim jeger und spricht:**

Man hat zu hoff gesaget an,  
Wie das mein lieber herr und man  
Todt lieg bey diesem brunnen kalt.

Ich hoff, es hab nicht die gestalt.

**Sie decket die reiß von im ab, schlecht ir hendt ob dem haubt zamb und spricht:**

Da ligt mein lieber herr, ist todt;  
5 Das sey dir klaget, lieber gott!

**[K 3, 2, 502] Sie sincket auff in nider, halset unnd küsset ihn und spricht:**

Ach du hertz-lieber gmahel mein,  
Der du auß trew das leben dein  
10 Für mich gewagt hast in den todt,  
Das du mich lösset auß der noht!  
Verflüchet sey der mörder hendt,  
Die dich ermörten an dem endt  
Die dich im schlaff haben erstochen.  
15 Wil gott, es bleibt nit ungerochen.

**Sie ersicht den dolch, hebt den auff, besicht ihn unnd spricht:**

Der dolich noch da liegen thut,  
Der ist geröt mit seinem blut;  
Er ist Hagen, des bruders mein,  
20 Der wirt meins gmahels mörder sein  
Sambt sein brüdern, die im ahn maß  
Haben tragen groß neidt und haß  
Von wegen tugendt und redligkeit,  
Der er sich fließ zu aller zeit,  
25 Hielt auch die straß sauber und rein,  
Straffet das unrecht groß und klein.  
Diß mort wil ich vor meinem endt  
Rechen mit meiner eigen hendt  
An mein brüdern, solt ich drumb sterben,  
30 So müssens auch am schwedt verderben.  
Nun tragt den todten leib hinab,  
Das man in künglich begrab.  
Nun wil ich fort ainig allein  
Leidtragen und ein witfraw sein,

2 S das reis. 5 CK klagt, o trewer got. 10 S gewaget hast in dot.  
12 S die mordisch hent. 13 S Die dich ermördet. 14 S Die dich hat  
in dem schlaff erstochen. 17 S tholich. CK dolchen. A dolch. 21 SBCK  
im. A in. 24 fließ] S. hilt.

[AB 3, 2, 245] Dieweil ich hab das leben mein.

**Sie tragen den todten ab, die künigin geht trawig hienach.  
Der ernholt kumbt unnd beschleust:**

- So habt ir gsehen und gehort  
 5 Die histori mit dat und wort.  
 Zum bschluß so wil ich euch vermanen  
 Die art in gemelten personen:  
 Erstlich zeigt könig Sigmundt nun:  
 Eltern, so ein unghraten sun  
 10 Haben, den ist gar weh und bang,  
 Fürchten mit im bösen außgang.  
 Zumb andern deut Sewfriedt die jugent  
 On zucht guter sitten und tugendt,  
 Verwegen, frech und unverzagt,  
 15 Die sich in all gferligkeit wagt.  
 Zum dritten zeigt das zwerglein an  
 Einen diensthafft getrewen man.  
 Zum vierdten der rieß bedeuten ist  
 Ein man wanckel, untrewer list.  
 20 Zum fünfften so zeigt an der trach:  
 Ein herrschaft, die in aller sach  
 Nur fert mit frevel und gewalt,  
 Die wirt mit gleichem werdt bezalt.  
 Zum sechsten deut Dietrich von Bern  
 25 Ain fürsten, der strebet nach ern,  
 Treibt kein schinterey umb reichtumb,  
 Helt sich gerecht, auffricht und frumb.  
 Zumb siebenden der alt Hilbrandt  
 Uns eins trewen hoffmans ermandt,  
 30 Der eim fürsten bey-wonet steht  
 Durch trewe that und weisse reht.  
 Zum achten Crimhildt, das schön weib,  
 Deut ein weib, das der fürrwitz treib  
 Zu manchem hochmütigen stück.  
 35 Der kumbt viel unrats auff den rück.  
 Zum neunten deutn ir brüder das:

2 A dei. 5 S dat vnd mort. A todt vnd mort. 6 S vermonen.  
 10 gar] fehlt S. 20 S Zw dem. 24 S deut. A dienet. 25 S Ain.  
 A Aim. 31 SBCK weyse. A weisser. 36 S dewtn. A deuten.

Ein dücksch gsellschaft vol neidt und haß,  
 Die anrichtet viel ungemachs.  
 Vor der bhüt uns got, wünscht H. Sachs.

*Die person in die tragedi:*

- 5 1. Der heroldt.  
 2. König Sigmundt im Niderlandt.  
 [K 3, 2, 503] 3. Der hörnen Sewfriedt, sein son.  
 4. Dietlieb,  
 5. Hortlieb, 2 fürsten, seine rät.  
 10 6. König Gibich zu Wurmbs am Rein.  
 7. Crimhildt, des königs tochter.  
 8. Herr Dietrich von Bern.  
 9. Hildebrandt, sein wapenmeister.  
 10. König Ewglein, der zwerg.  
 15 11. Kuperon, der groß rieß.  
 12. Der fewerspeiendt verkert trach.  
 13. Günter,  
 14. Gernot,  
 15. Hagen, 3 brüder.  
 20 16. Der schmidt.  
 17. Der schmidtknecht.

Anno 1557 jar, am 14 tag Septembris.

1 S dücksch. A dückisch. CK neidisch. S gsellschaft. A geschlecht.  
 2 S Die. A Das. 9 S Hortlieb. A Hertlieb. 23 S 1134 vers. In  
 wirklichkeit sind es 1142 verse.